

PROGRAM DJELOVANJA SAMOSTALNOG SINDIKATA RADNIKA OSNOVNOG OBRAZOVANJA I ODGOJA TUZLANSKOG KANTONA ZA PERIOD 2018.-2019. GODINE

Prijedlog !!!

I UVOD

1.1.Osvrt na period oktobar 2017. -decembar 2018. godina

U mandatnom periodu oktobar 2017. - decembar 2018. godine, a što je navedeno u sadržaju Izvještaja o radu za navedeni period, Kantonalni odbor Samostalnog sindikata radnika osnovnog obrazovanja i odgoja TK (u daljem tekstu: Kantonalni odbor) je provodio konkretne mjere i aktivnosti tokom cijelog perioda koje su za rezultat imale dalje jačanje Sindikata, koje se ogledaju prije svega u:

- *aktivno učešće u kolektivnom pregovaranju*
- *briga o provođenju i poštivanju odredbi Kolektivnoga ugovora, Zakona o osnovnom odgoju i obrazovanju,*
- *pružanje pravne pomoći članovima Sindikata,*
- *stvaranju čvršćeg jedinstva među sindikalnim članstvom,*
- *zajedničkom djelovanju i nastupanju sa drugim sindikatima, posebno sa sindikatom srednjeg obrazovanja,*
- *blagovremenom i sveobuhvatnom informisanju članstva i javnosti,*
- *pružanju pomoći i podrške općinskim odborima i sindikalnim podružnicama u sastavu Kantonalnog odbora,*
- *rješavanju tekućih sindikalnih pitanja koja se odnose na zaštitu interesa članstva i upravljanja Sindikatom.*

Na osnovu navedenog, može se zaključiti da je Kantonalni odbor, putem svojih organa, kroz redovna i vanredna zasjedanja provodio programske i ostale sindikalne aktivnosti, da je postignut uspjeh u nastojanju da se sindikalnom članstvu vrati potpuna vjera u sindikalno organizovanje, i da je samo na principima uzajamnosti i solidarnosti i istinskog zajedništva jedino moguće u narednom mandatnom periodu efikasno odgovoriti na izazove koje Vlade –

poslodavci stavljaju pred Sindikat, kako bi kao socijalni partneri uspješno rješavali pitanja unutar nadležnosti utvrđenih zakonom i kolektivnim ugovorima.

1.2. Pravci djelovanja Kantonalnog odbora za period januar-decembar 2019. godine.

Djelovanje Sindikata kroz organe na svim nivoima organizovanja i djelovanja Sindikata u mandatnom periodu oktobar 2017. – decembar 2018. godine, kako je i navedeno, bilo je usmjereno na rješavanje mnogih pitanja vezanih za ostvarivanje prava iz radno-pravnog statusa članova.

Takvo djelovanje granskog Sindikata značilo je i predstavljalo kontinuitet rada koji je rezultirao povećanjem brojnosti članova, kontinuitet organizacionog jačanja, izgrađivanja zajedničkog jedinstva, uzajamne solidarnosti, unutrašnje sindikalne demokratije, te jačanja i izgradnje efikasnog i modernog Sindikata.

Imajući u vidu potrebu nastavljanja kontinuiranog djelovanja i rada, Kantonalni odbor u mandatnom periodu januar 2018. –decembar 2018. godine, treba i mora nastaviti jače i snažnije djelovati na:

- *djelovanje u zakonodavno-pravnom domenu,*
- *daljem organizacionom jačanju Sindikata,*
- *intenzivnijoj promociji sindikalnih aktivnosti,*
- *jačanju povjerenja zaposlenih i članstva u sindikalno organizovanje i povezivanje, što bi trebalo rezultirati daljnjem povećanju brojnosti članova učlanjivanjem u granski Sindikat svih zaposlenih u osnovnom obrazovanju,*
- *edukaciji članstva,*
- *izgrađivanju još većeg zajedničkog sindikalnog jedinstva, uzajamne solidarnosti, unutrašnje sindikalne demokratije.*

II PLAN DJELOVANJA KANTONALNOG ODBORA SAMOSTALNOG SINDIKATA RADNIKA OSNOVNOG OBRAZOVANJA I ODGOJA TK ZA 2019. godinu

Kada je u pitanju djelovanje Kantonalnog odbora u smislu stvaranja pravnog okvira za regulisanje radno – pravnog statusa i poboljšanje nezavidnog materijalnog i socijalnog položaja članova Sindikata, Kantonalni odbor će u 2019. godini svoje djelovanje usmjeriti na:

- *unapređenje Kolektivnog ugovora, kao i očuvanje dostignutih prava u istom,*
- *izmjene i dopune Pedagoških standarda,*
- *donošenje podzakonskih akata,*
- *poboljšanje materijalnog statusa članova Sindikata,*
- *edukacije povjerenika i članova organa Kantonalnog odbora,*
- *rješavanje tekućih sindikalnih pitanja.*

3

2.1. Kolektivni ugovor za djelatnost osnovnog obrazovanja

Iako je rok važenja Kolektivnog ugovora za djelatnost osnovnog obrazovanja produžen do 06.02.2020. godine, Kantonalni odbor će pokrenuti izmjene i dopune Kolektivnog ugovora jer su uočene određene nejasnoće u istom koje su se rješavale kroz tumačenja Kolektivnoga ugovora (iznos regresa i otpremnine kod nepunog radnog vremena, pravo na prijevremeno penzionisanje) te novi zahtjevi za tumačenje u pogledu prava sindikalnih povjerenika (u kom dijelu treba osloboditi sa 4 časa, šta u slučajevima nepunog radnog vremena), zatim usklađivanje terminologije sa novim Zakonom o osnovnom obrazovanju.

Rok: najkasnije do juna 2019.godine

2.2. Pedagoški standardi i opći normativi za osnovni odgoj i obrazovanje

Pedagoški standardi i opći normativi za osnovni odgoj i obrazovanje, kao jedan od najvažnijih akata vezanih za oblast osnovnog odgoja i obrazovanja su od svoga donošenja 2005. godine pretrpjeli veliki broj izmjena i dopuna te još ne postoji prečišćeni tekst istih. Takođe može se zaključiti da su prevaziđeni i

zastarjeli te ne prate trenutno stanje u oblasti osnovnog odgoja i obrazovanja po pitanju opisa poslova zaposlenih u osnovnom obrazovanju, 40-satne radne sedmice, nastavnih normi, broja učenika itd. S toga će Kantonalnom odboru kao jedan od prioriteta djelovanja u 2019. godini biti pokretanje inicijative za izmjene u dopune Pedagoških standarda za zaposlene u osnovnom odgoju i obrazovanju.

Rok: do kraja marta 2019.godine.

2.3. Donošenje zakonskih i podzakonski akata:

Iako je predviđen Kolektivnim ugovorom (član 30.) još uvijek nije donešen Pravilnik o zaštiti dostojanstva radnika, te će Kantonalni odbor zbog učestalih napada (što fizičkih, što verbalnih) insistirati na donošenju istoga.

Rok: septembar 2019.godine.

Takođe ćemo nastaviti raditi na tome da se svim radnicima koji su se doškolovali omogući sticanje koeficijenta u skladu sa njegovom stručnom spremom. Ovo pravo je moguće ostvariti ili donošenjem podzakonskoga akta ili izmjenama i dopunama Zakona o osnovnom odgoju i obrazovanju TK.

4

2.4. Poboljšanje materijalnog statusa zaposlenih u osnovnom obrazovanju.

Kao i u prethodnoj godini i u 2019. godini Sindikat će nastaviti da radi na poboljšanju materijalnog statusa radnika. Već na kraju 2018. godine smo kroz traženje povećanja visine toplog obroka u iznosu od 9,00 KM po izrađenom danu počeli sa tim aktivnostima. Planiramo da tražimo povećanja primanja od sljedeće školske godine (2019/2020.) ili od naredne kalendarske 2020.godine.

Rok za slanje zahtjeva prema Vladi TK: juni 2019. godine.

Bitno je naglasiti da će Kantonalni odbor insistirati na uvažavanju specifičnosti osnovnog obrazovanja i odgoja, što će omogućiti utvrđivanje realne vrijednosti cijene rada i usklađivanje plaća sa porastom troškova života, ne ugrožavajući stečena prava zaposlenih na svim nivoima obrazovanja.

2.5. Edukacije povjerenika i članova organa Kantonalnog odbora

Kantonalni odbor u cjelini je čvrsto na stajalištu kako nema uspješnog sindikalnog organizovanja ukoliko članstvo nije dovoljno educirano, te dobro i blagovremeno informisano.

- Organizovanje raznih predavanja, seminara, tematskih konferencija i slično, doprinosi s jedne strane jačanju svijesti o potrebi izgradnje modernog funkcionalnog i efikasnog Sindikata prilagođenog novim društvenim odnosima u BiH i s druge strane, istovremeno sticanju znanja efikasnijeg rješavanja interesa i zadovoljenje potreba njegovih članova.

Predavači na tim skupovima, pored ostalih, trebaju biti eksperti za radno-pravno zakonodavstvo, doajeni sindikalizma, ugledni profesori, kao i sindikalni lideri.

Tako se u narednom periodu, u zavisnosti od finansijskih sredstava, planiraju organizovati sindikalne edukacije i/ili sindikalni susreti.

Rok za realizaciju edukacije avgust 2019. godine.

2.6. Rješavanje tekućih sindikalnih pitanja

5

U radu Kantonalnog odbora, pored svega gore navedenog, naći će se i obilježavanje značajnijih datuma :

- *Peti oktobar*
- *Svjetski dan nastavnika,*
- *1. Maj – Međunarodni praznik rada,*
- *8. Mart-Međunarodni dan žena,*
- *ispraćaj radnika u penziju i drugi oblici zajedničkog rada i druženja;*

Kantonalni odbor će da nastavi da:

- *sarađuje sa drugim sindikatima;*
- *pruža stručno-pravnu pomoći članovima Sindikata*
- *pružanje materijalne pomoći teško oboljelim članovima Sindikata*